

EPISTOLA PRIOR
JOHANNIS.
CAPUT I.



X *Vers. 1. Quod erat ab initio, quod audivimus quod vidimus oculis nostris &c. Talis questio emergit. I. Num Christus sit verus Deus? Resp. Quod sic, & probo seq. argumento. Quicumque est æternus, is est verus Deus. At Christus est æternus. E. Major ita prob: quia solus Deus est æternus, 1. Tim. VI. 16. Eternitas definitur, quod sit simplex essendi indeterminabilitas. Requisita autem æternitatis duo sunt. 1. ἀσχεσία i. continuitas, ut sit simul tota & perfecta, nullam habens interruptionem & successionem, nullumque præteritum vel futurum. 2. ἀπέχου indeterminateitas, ut principio & fine careat, imò ne quidem principium & finem habere possit. Hæc omnia cum soli Deo competant, Major facile constat. Minor vero prob. Autoritate Apostolica hujus loci: Quod erat ab initio, quod audivimus &c. Per verbum vitæ hîc intelligitur ipse Christus, is enim hoc loco dicitur fuisse ab æterno. Phrasis E. fuisse ab æterno seu initio nihil aliud significat, quàm æternum esse. Hinc Reg. Theologica: Quoties phrasis hæc: Ab initio vel in initio absolute in S. Scriptura ponitur, toties significat vel initium mundi, vel æternitatem. Hujus rei exemplum habemus Gen. 1. In principio creavit Deus cælum & terram. Hîc phrasis in principio absolute ponitur absque ulla determinatione; significat E. vel initium mundi, vel æternitatem, sed non hoc, E. illud. Sic Joh. 1. in principio erat sermo & sermo erat apud Deum &c. Ubi itidem per phrasin in principio, notatur initium Mundi. Item 2. Thess. II. 13. Nos debemus DEO gratias agere semper de vobis, quod elegerit vos Deus ab initio ad salutem &c. ubi iterum phrasis ab initio æternitatem notat, explicante eodem Paulo Ephes. I. 4. Sicut elegit nos in ipso antequam jacerentur fundamenta mundi. Dicitur enim Deus nos elegit sc. ἀγαπησάντων ἡμᾶς ἔκ κοίτης. In eadem significatione & usurpatur 2. Tim. I. 9. Qui salvos nos facit & vocavit vocatione sancta non secundum opera nostra, sed secundum propositum & gratiam, quæ data est vobis per Christum Jesum ante tempora æterna, seu secularia.*